

www.BibleForChildren.org

मत्ती १



जिब्राइल छे महीना कि दिन से थी तब परमेश्वर, तरप से जिब्राइल
स्वर्गदूत गलील, नासरत नगर मे एक कुव्वारी का पास भेज्यो गयो.
एक कुव्वारी का पास भेज्यो गयो. जोकी मगनी यूसुफ नाम दाउद
का घराना का एक इन्सान का सात हुय थी वा कुव्वारी को नाम
मरियम थो.



स्वर्गदूत ने ओकासे बोल्यो हे मरियम डरे मत.
क्युकी परमेश्वर को अनुग्रह तरा पर हुयोस
हइ. अरु देख तू दिन से हुये अरु तरो एक
बेटो परदा हुये. तोने ओको नाम यीशु रखनु.
वु महान हुये. अरु बडो इन्सान को बेटो
बोल्यो जाह्ये अरु प्रभु परमेश्वर
ओखे ओका बापदादा को राजो
दाउद की राजगद्दी ओखे देस. अरु
उ याकूब का घराना पर युगानुयुग
राज कर्हे. अरु ओका राज
को कभी खत्म नी हुये.



मरियम ने स्वर्गदूत बोल्यो. यो यबर करी रोस?
मी तो कुव्वारी हइ. स्वर्गदूत ने ओखे उत्तर
दियो. कि पवित्र आत्मा तरा पर उतरी.
अरु परमेश्वर कि सामर्थ्य तरा पर उतऱहे,
अरु येका कारण पवित्र बच्चा
परमेश्वर को बेटो
बोल्यो जाह्ये.



ओका तुरुत बाद मरियम तैयार हुयखे यहूदा टेकडा देस,
एक गाव मे जत्ती लगी. अरु जकर्याह, घर मे पोची अरु
वोने एलीशिबा खे नमस्कार कर्यो. जोभी यो हुयो कि
एलीशिबा ने मरियम को
नमस्कार सुन्यो. तेय बच्चो
ओका पेट मे उछल्यो. अरु
एलीशिबा पवित्र आत्मा से
परिपूर्ण हुय गी. अरु वोने
बडा जोरसे बोल्यो तु बय
होन मे धन्य हय. अरु
तरा पेट को फल धन्य हइ.



यीशु मसीह को जन्म या रीती से हुय, की जब ओकी माय मरियम की
मगनी यूसुफ का साथ हुय गइ,
ते उनको भ्याव होना से पैयले वा
पवित्र आत्मा का तरप से दिन से
हुय गय. येकालिये ओका अदमी
यूसुफ ने जो धर्मी होन का
कारण ओखे बदनाम
करणो नी चाहतो थो,
या इच्छा से चुपचाप
छोडी देन को मन कर्यो.



जब उ या बात का सोच मे थो ते प्रभु को एक स्वर्गदूत ओखे दृष्टान्त मे दिखानो अरु बोलन लग्यो. हे यूसुफ! दाउद की सन्तान खे तू मरियम खे अपनी बायको बनाना से डरे मत.


क्युकी जो ओका पेट मे हइ, उ पवित्र आत्मा का तरप से हइ. उ बेटो पैयदा कर्हे अरु तोने ओको नाम यीशु रखनु. क्युकी वु अपना दुन्याहोन को उनका पाप से उध्दार कर्हे.




तब यूसुफ नीद से जागीखे प्रभु का दूत की बात कि आज्ञा का जसो
ओने अपनी बायको बनान खे अपना घर मे लयली.
अरु जब तक मरियम का पास नी गयो जब तक
ओने बेटा खे जन्म नी दियो अरु
यूसुफ ने ओको नाम यीशु रख्यो.



वे दिन मे बडो राजो कैसर औगूस्तुस का तरप से आज्ञा नीकली,
की सब रोमी जगत का दुन्या को नाम लिखायो जाह्ये. अरु सब दुन्या
नाम लिखान का लीये अपना
अपना गाव मे गया.



अरु यूसुफ भी गलील का देस से नासरत नगर से यहूदीया देस को
दाउद राज को नगर बैतलहम खे गयो क्युकी व्हा दाउद का धरानो
अरु कुल से थो. कि अपनी
मगेत्तर मरियम का साथ जो
दिन से थी नाम
लिखायो.



असो हुयो कि जब वे व्हा था
तब बच्चा को जन्म देन को टेम
अय गयो.



अरु व्हा अपनो पहिलो बेटो हुयो अरु
ओखे कपडा मे गुड्यो गव्हान मे रख्यो
क्युकी वुन, लिये कोय भी जगा नी थी.



तब व्हा वा जागा से बाहेर खेत मे थोडा ठाव्या था. जो रात का टेम मे अपनो मेडा झुण्ड कि जागल करी रा था. वा टेम मे परमेश्वर को एक स्वर्गदूत व्हा प्रगट हुयो उनका चारी तरफ

प्रभु को तेज चमकी गो अरु वे भोत डरी गया.




जब स्वर्गदूत ने वुन, से बोल्यो. मत डर. क्युकी देख मी तुमखे खुप
खुशी कि खुसखबर सुनउस हइ जो सब दुन्या का लिये हुये.
कि आज दाउद का नगर मे तुम्हारा लिये एक
उद्धारकर्ता पइदा हुयोस.



अरु मसीह परमेश्वर हइ. अरु येका तुम्हारा लिये यो चिन्ह हइ.
कि तुम एक बच्चा खे कपडा मे गुडीरास हुये अरु गव्हान
मे सौयो मील्ले.



जब येत्ता मे वू स्वर्गदूत, सात स्वर्गदूत को दल परमेश्वर
की स्तुती करतो हुयो अरु यो बोलते दिखय दियो.
आकाश मे परमेश्वर की महिमा अरु जमीन पर



वे इन्सान मे जेने वु
अनुग्रह हइ शांती हुये.




तब स्वर्गदूत उनका पास से स्वर्ग खे जत्ती लग्यो, ते
येने आपस मे बोल्यो, आव, हम बैतलहम जयखे या
बात जो हुइस हइ, अरु जेखे परमेश्वर ने हमखे
बतायोस हइ, देख.



अरु उनने तुरुत जयखे मरियम अरु यूसुफ खे अरु
गव्हान मे वु बच्चा खे सोयो देख्यो. ठाट्याने जब ओखे
देख्यो ते जो यो बच्चा का बारे मे जोन खबर उनखे दि
गय थी, ओखे उनने सब खे बतय दियो थो.




हेरोदेस राजा का दिन
मे यहूदीया देस का
बैतलहम गाव मे यीशु
को जन्म हुयो, ते पूर्व
दिशा से कुछ तारा
को आभ्यस करण
आलो



ज्ञानी इन्सान यरुशलेम मे अयखे पुछ्न
लग्या.कि यहूदीयाहोन को राजो जेको
जन्म हुयो हइ, वु खा हइ? क्युकी हम ने
पूर्व मे ओको तारो देख्यो हइ अरु ओखे
प्रणाम करण आनो हइ.



तब हेरोदेस ने तारा को आभ्यस
करणवाला ज्ञानी इन्सानहोन खे
चुपचाप से बुलय खे उनका से
पुछ्यो, की तारो बराबर कोन
सा टेम मे दिखय दियो थो.
अरु ओने यो बोलीखे उनखे
बैतलहम भेज्यो, कि जयखे उ
बच्चा का बारे मे बरोबर मालूम
करीखे, अरु जब व्हा कुछ मीली
जाह्ये ते मेखे खबर दे, ताकी मी
भी अयखे ओखे
प्रणाम कऱ्यु.



वे राजा की बात सुनीखे चली गया, अरु देख, जो तारो उनने पूर्व मे देख्यो थो, वु उनका आगे आगे चल्यो, अरु झा बच्चो थो. वा जगा

का उपर पोचीखे रुखी गयो. उनने उ घर मे पोची खे वु बच्चा खे ओकी माय मरियम का सात देख्यो, अरु मुडा का उपर गिरीखे बच्चा खे प्रणाम कऱ्यो.




अरु अपनी अपनी थैली खोली खे ओखे सोन्नो, अरु लोबान, अरु
गन्धरस ओखे दान चडायो. तब दृष्टान्त मे परमेश्वर का
वजेसे या चेतावनी सुनी खे कि हेरोदेस का
पास फिर नी जानु, उ दुसरी रस्ता से जय
खे अपना देस मे चली गयो.



उनका चली जाना का बाद परमेश्वर
को एक दूत ने सपना मे यूसुफ खे
देखीखे बोल्यो, उट. वु बच्चा खे अरु
ओकी माय खे लिखे मीस्र देस मे
भागी जा. अरु जब तक मी तरा
से नी बोलू तब तक व्हा हेनु.
क्युकी हेरोदेस यो बच्चा
खे ढुडना पर हइ कि
ओखे मारी डालस.



तब उ रात मे उठीखे बच्चा खे अरु
ओकी माय खे लिखे मीस्र देस मे
चली गयो. अरु हेरोदेस का मरना
तक व्हा ङ्हीयो. येका लिये की उ
वचन जो प्रभु ने भविष्यव्दत्ता का
वजेसे बोल्यो थो उ पुरो हुयो
खे “मेने अपना बेटा खे मीस्र
से बुलायो.”




जब हेरोदेस ने यो देख्यो, की पडीतहोन
ने ओका सात धोको कऱ्यो हइ, तब उ
घुस्सा से भरी गयो अरु दुन्या खे भेजी
खे पडीतहोन का वजेसे तारा देखन का
टेम का जसो बैतलहम अरु ओका आस
पास का सब गावहोन का सब बच्चा खे
जो दो साल का या ओकासे

छोटा था,
मारी
डाल्या.



हेरोदेस का मरना का बाद को प्रभु खे
दूत ने मीस्र मे यूसुफ का सपना मे
दिखय दिखे बोल्यो. उट, बच्चो खे
अरु ओकी माय खे लीखे इस्राएल
देस मे चली जा. क्युकी जो बच्चा
को जान लेनो चाहतो थो,
उ मरी गयो.



पन यो सुनी खे की
अरखिलाउस अपना बाप
हेरोदेस कि जगा यहूदीया
पर राज्य करी रोस हइ,
व्हा जाना से
डरीखे



फिर दृष्टान्त मे परमेश्वर से
सुचना लीखे गलील देस मे चली गयो.






अरु नासरत नामको एक
नगर मे जय बठ्या. ताकि उ वचन पुरो हुये
खे जो भविष्यव्दत्ताहोन का वजेसे बोल्यो गयो थो,
“उ नासरी बोल्यो जाह्ये.”



क्युकी परमेश्वर ने जगत से असो प्रेम रख्यो कि
ओने अपनो एकलौतो बेटो दि दियो, ताकि जो
कोय ओ पर विश्वास कर्येका उ नाश नी
हुइ खे पर अनन्त जिवन पाये.



रोमीयो 3:23 येकालिये कि सब ने पाप कऱ्यो हइ अरु परमेश्वर कि महिमा से ङ्हेस हइ,

रोमीयो 6:23 क्युकी पाप की मजुरी मरनो हइ, पन परमेश्वर को वरदान हमारो प्रभु मसीह यीशु मे आखरी जिवन हइ.

इब्रानीहोन 9:27 अरु जसो इन्सान का लिये एक बार मरनो अरु ओका बाद न्याय को होनो नीयुक्त हइ,

इपिसियो 2:8,9 क्युकि अनुग्रह ही से, विश्वास का वजेसे तुम उध्दारमील्यो हुयो हइ. येका करण तुम नी, यो परमेश्वर को वरदान हइ अरु यो काम होन को प्रतीफल नी हइ कि कोय घमण्ड कऱ्ये.

रोमीयो 10:9,10 की अगर तु अपना मुडा से यीशु खे प्रभु जानी, अंगीकार कर्हे अरु अपना मन से विश्वास कर की परमेश्वर ने उ मरन हुयो मे से जलायो, ते तु स्वतत्रता कर्यो जाये. विश्वास करणा से हम परमेश्वर कि धार्मीकता का सात सही रिस्ता मे से आस हइ अरु उध्दार मुडा से कबुल करणा से मुक्ती पास हइ.



यहून्ना 3:16,17 क्युकी परमेश्वर ने जगत से असो प्रेम रख्यो कि ओने अपनो एकलौतो बेटो दि दियो, ताकि जो कोय ओ पर विश्वास कर्येका उ नाश नी हइ खे पर अनन्त जिवन पाये. परमेश्वर ने अपना बेटा खे दुन्या मे येका लिये नी भेज्यो, कि जगत पर दण्ड की आज्ञा दे, पर येका लिए कि दुन्या ओका वजेसे उध्दार पाये.

1 यहून्ना 5:11-13 अरु वा गवइ या हइ कि परमेश्वर ने हम खे अनन्त जिवन दियो हइ, अरु यो जिवन ओका बेटा मे हइ. जेका पास बेटो हइ, ओका पास जिवन हइ अरु जेका पास परमेश्वर को बेटो नी, ओका पास जिवन भी नी. मे ने तुमखे जो परमेश्वर का बेटा का नाम पर विश्वास करस हइ येका लिये लिख्यो हइ कि तुम जाननु कि अनन्त जिवन तुम्हारो हइ.



मत्ती 1-2; लूका 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Gowlan Bible (goj) ©The Word for the World International
and Gawlan Translation Samiti, Telkhar,
Maharashtra, India, 2025.

<https://www.bible.com/bible/4050/MAT.1.GNN25>

©2026 Bible for Children, Inc.

www.M1914.org

www.bibleforchildren.org

